

Diphetoho Mokgwatshebetsong wa Thomelohare wa Bolaodi ba Meedi

Tshwane, 8 Phato 2024 – Ditshebeletso tsa Lekgetho tsa Afrika Borwa (SARS) di ntse di ikemiseditse ho fana ka tlhakisetsa le nnetefaletso ho phethahatsweng ha thomo ya tsona ya ho kgothaletsa kgwebisano e molaong bakeng sa ntshetsopele ya ikonomi ya naha ya rona lepatlelong le ntse le atoloha la se bitswang *e-Commerce*. Sena se tla fihlellwa ka ho etsa hore ho tsamaiswa ha dithoto ho be bobebe.

Ho fihlella thomo ena e ka hodimo, SARS e hlokometse dilo tsa nnete tse hlalileng mabapi le ho tlišwa ka hare ho naha ha dithoto tse mmalwa, haholoholo diaparo, ka tsela ya *e-Commerce* ke bana ba tlišang dithoto ka hare ho naha ba ntseng ba sa lefe dikgafa tse tlamang tsa Bolaodi ba Meedi mmoho le VAT hodima dithoto tsena tsa bona, mme seo se bake hore ho be le tlhodisano e leeme lepatlelong lena la indasteri ena.

Dillo tsena di bakwa ke hore, ka lebaka la mothamo wa kgwebisano ena ya *e-Commerce*, Bolaodi ba Meedi ba SARS bo ile ba phethahatsa "tumello" ya dithoto tsa tšhelete e ka tlase ho R500, eo ho ya ka dipehelo ba romelang dithoto ka hare ho naha ba tlang ho lefa sekgahla se batalletseng sa dikgafa tsa Bolaodi ba Meedi sa 20% le ho se lefe VAT.

Ho arabela dilo tsena le ho fana ka tlhakisetsa ho bahwebi ba kgathang tema lepatlelong lena la ho tlišwa ha dithoto ka hare ho naha ka tsela ya *e-Commerce*, SARS e tla etsa diphetoho tse mmalwa ho bapa le moralo wa tshebetso wa Mokgatlo wa Lefatshe wa Bolaodi ba Meedi (WCO) ho shebana le lepatlelo lena le ntseng le fetoha la kgwebisano.

Haesale ho tloha maqalong a selemo sa 1990 ho tlišwa ha palo e itseng ya dithoto tse nnyane tsa boleng bo seng bokaalo ho phatlalla le madiboho haesale ho etswa ke ba ditshebeletso tsa khuria le ba mangolo a potlakileng mme ho ne ho se ho na le kgolo e kgolo lefatsheng ka bophara lepatlelong lena mme sena se ile sa baka hore Mokgatlo wa Lefatshe wa Bolaodi ba Meedi (WCO) o tle ka metjha ya tokollo/tlhekolo - e tsejwang e le "WCO Guidelines on Immediate Release".

Ditataiso tsena di reretswe ho thusa ditho tsa WCO tsa Bolaodi ba Meedi ho tla ka metjha e tshwanang ya ho sebetsana le dithoto tsena tsa *eCommerce*, ho itshetlehlilwe hodima motheo wa hore Bolaodi ba Meedi bo fumana lesedi le mabapi le tsena e sa le ka nako le pele dithoto tsena di fihla, mme ho na le mekgahlelo e mene (4) ya dithoto tsena: -

Mokgahlelo wa 1 – Ngollano le ditokomane – Ha ho boleng ba kgwebo, mme ka hona tsena ha di angwe ke tefo ya dikgafa le makgetho, tsena di tla lokollwa hanghang ka lebaka la tsebahatso e momahaneng e ka etswang ka molomo kapa ka mongolo (manifeste, weyibili kapa lenane la dintho tse jwalo).

Mokgahlelo wa 2 – Meqeqeko ya boleng bo tlase ho meedi e behilweng eo ho sa bokellweng dikgafa le makgetho, moo ho etsahalang tlhekolo ya hanghang le ho lokollwa ha manifeste, weyibili, tsebahatso ya thepa kapa lenane la dintho.

Mokgahlelo wa 3 – Meqeqeko ya boleng bo tlase bo kgafiswang (tsebahatso e nolofaditsweng ya dithoto) – dithoto tse ka hodimo ho bonnyane bo behilweng, empa di le ka tlase ho tsebahatso e felletseng ya moedi wa boleng bo lokelang ho kgafiswa, le moo ho sebediswang tsebahatso e nolofaditsweng le moo dintho di lokollwang ka tlhekelo e nolofaditsweng, jwalo-jwalo.

Mokgahlelo wa 4 – Meqeqeko ya boleng bo hodimo (tsebahatso e felletseng ya dithoto) – Meqeqeko e sa weleng mekgahlelong e meraro e hlalositsweng ka hodimo mme o akaretsa meqeqeko e nang le dithoto tse angwang ke dithibelo. Metjha ya tlwaelo ya tokollo le tlhekelo, ho akareditswe le tefo ya dikgafa le makgetho.

Diphetoho tse tlang ho phethahatswa:

- Ho kenngwa ha VAT hodima sekgahla sa jwale sa Bolaodi ba Meedi se bataletseng sa 20% ho tloha ka la 1 Loetse 2024 e le mohato o qalang ho sebetsa hanghang kgabareng.
- Ho hlophiswa botjha ha sekgahla se bataletseng sa 20% ho latela tsela ya WCO e mabapi le mekgahlelo ya pele e 3 ka tshebediso ya dikgahla tsa kgafa tse loketseng, ka la 1 Pudungwana 2024.

Khomishenara ya SARS Edward Kieswetter o boletse hore SARS e tla sebetsa mmoho le Lefapha la Kgwebisano, Indasteri le Tlhodisano (DTIC), jwalo ka bahlokomedi ba naha ba leano la kgwebisano le ntshetsopele, mmoho le bakgathatema ba bang ba indasteri, ho tliša tshepo setjhabeng ka ho batlana le tsela ya ho tliša tekano le ho sireketsa diindasteri tsa lehae le ho theha menyetla ya kgwebo bakeng sa kgolo ya ikonomi. O boletse hore SARS e tla tshepela "tshebedisong e kgolwanyane ya data, bohlale ba maiketsetso, boithuto ka motjhine le manollo ya dipalopalo ho bebofatsa kgwebisano ha ka lehlakoreng le leng ho ntse ho fokotswa tse ka bakelang ikonomi kotsi".

Ho fumana lesedi le fetang lena, ka kopo ikopanye le SARS ka SARSMedia@sars.gov.za